

咸寧長安兩縣續志

咸寧長安兩縣續志卷七

祠祀考

羣祀所在備於前志同治以後大亂初定典隆崇報專祠多至八九可謂盛矣至若梵宇琳宮二氏之說非儒所重然烽燧在郊僅有存者辛亥國變土木大興復丁其厄考古之士有餘恫焉茲篇附載雖毀必書蓋竊比洛陽之記伽藍魏書之志釋老云爾作祠祀考

咸寧

清

文廟建置

見前志

同治軍興禮器殘闕光緒九年巡撫葉伯英釐定祀

典補葺一新

禮器樂舞圖譜序

三十一年學部奏升大祀從主事姚大榮

之請也

會典

大成殿階下虞歐二碑對峙其南有石幢一皆唐人題

名

秦蜀驛程後記

廟制閎偉古柏百餘老槐三蔚然森秀皆數百年物

廟冊

碑碣自唐宋以後凡五十三類

別見金石考

禮器樂器略備今俱存

訪冊

名宦祠

詳前志

嘉慶後增祀陝西巡撫林則徐劉蓉蔣志章陝西按察

使王時躍長安知縣張聰賢李煒咸寧知縣楊佐國

廟冊

名臣祠

詳前志

道光元年邑紳集資重修知西安府事江寧鄧廷楨有

碑記

文曰大凡日星光氣河嶽英靈淳耀積精輪困盤礴則必篤生偉人榮當時而昭焉奔况秦中土厚水深風淳俗茂往詰

先賢溢於縹緲者或豐功駿烈柱石朝廷或蠲德穆行矜式閭邨其尸而祝之社而稷之也固宜卽筮仕是邦或龕暴字良澤能蘇槁或殉名遂志節足砥頑詎不當漚而鬱之肸而嚮之乎咸寧縣治府學署內舊有名臣祠建置始末蓋自勝朝國初由學使重爲葺理至今歲月塵邈敗瓦頽垣僅餘基地邑薦紳等盡然傷之以志書局贏金三百僉議修之費不足則晁氏凝福任之百金越數月而工竣猗歟偉哉殿宇登閼廊廡整飾丹雘絢如門徑闊如信足以妥神靈而致禋祀矣且各木主旣書其諱字復詳其籍貫俾入祠者略知梗概翹首聳肅敬之容操心奮思齊之志豈非盛典哉余承乏守西安目睹其成深嘉與諸君子之好善而不能釋也於是記之以示久遠

節孝祠

詳前志

道光十六年署縣事段志佺重修整屋路德撰碑記

文曰

婦人從夫夫死從子夫貴則妻榮子貴則母崇雖賤爲婢妾子登仕版例得受封出母未嫁者亦例得請封惟再醮之婦不與婦人再醮者無禁守節者旌之女子貞烈者亦旌之朝廷定制寬以處中材厚以待賢媛仁之至義之盡也皇風載建鼓俗無聲婦人女子明禮義矢貞潔盛年守志之死靡他者十室之邑多有之向例旌表節孝人各建一坊賜建坊銀三十兩國家賦出有常而蒙化貞慤者日以衆旌閭表里日不暇給且凡請旌表由學官達縣郡由縣郡申大府乃達禮部所需紙筆費動輒數十金貧民無其力遂不復請旌不知凡幾也道光七年部議節烈婦女請旌無論人數衆寡每一縣一郡各建總坊於時咸寧縣設節孝局選邑紳賢者徧訪四鄉循其名核其實得節婦烈女四百二十四人及前修邑乘載入而未及請者五百八十八人凡千餘人皆旌表如例祠宇小不能徧置木主迺嵌臥碑於牆鐫刻姓氏於石崇祀節孝祠以垂永久宸旨昭賁下燭窮檐有善斯崇不遺一戶邑紳各路採訪不假手吏胥以杜冒濫所至之處官爲供億里民不出一錢不耗一粒國帑旣節輿情無壅後之良有司踵而行之真礪俗之良規也是舉也捐廉設局擇人採訪者前邑侯李公肇慶今官潼關廳同知葺祠勒碑者署邑侯段公志任書丹者舉人李文泰

劉公祠在東關八仙菴西同治九年城關士紳爲前巡撫劉蓉建正殿五楹大門一座歲時致祭宦陝湘人增修樂樓獻殿並東西長廊由八仙菴主管光緒二十七年兩宮西狩御賜一代良臣匾額

採訪 先是巡撫邵亨豫疏稱劉蓉督辦陝西軍務遺愛在民請祀
冊

名宦光緒二年總督左宗棠復請建立專祠均報可見清史本傳

公同治三年蒞陝川中餘賊約二萬竄入陝境逼近省垣公令城
四門大開居民安堵如常自率輕騎出剿賊賊懼逃竄陝境遂安
公以惠養民以廉察吏舉劾無不當撫陝三年所
用惟廉俸耳予告後歸橐蕭然見游秦存稿注

按庚子行在於秦中祠宇頒扁額四十餘所皆南齋供奉尚書

陸潤庠奉召一日畢書者

長安宮詞注

今不能悉指所在矣

劉果敏公專祠在城內粉巷光緒二年爲前陝西巡撫劉典建並附

祀其弟汀漳龍道劉倬雲由地方官歲時致祭有碑記

其略曰同治戊辰春

通政使馮寧劉公克菴諱典來撫秦虛枯翦叢民用蘇息又明年
陳請歸養嗣以邊事孔亟奉命幫辦新疆軍務迄收平積勞成疾
光緒五年十二月薨於蘭州節署事聞天子震悼賻卹有加命秦
隴楚皖吳越閩立功各省一體建祠予謚果敏秦祠由籍紳師長
灼等經始於辛巳秋越六月工竣陝
西候補知府陳文黼撰記并書石

左文襄公專祠在城內永寧北坊滴水河什字街路南光緒十三年

建由地方官歲時致祭二十七年兩宮西狩派大學士孫家鼐致

祭

公諱宗棠湖南湘陰人同治五年關隴事棘調補陝甘總督督辦陝甘軍務時陝省東北延榆綏所屬土匪遊勇與甘回相附

西北回匪踞寧州董志原爲老巢北接慶陽南連邠鳳東北達鄜延逆回白彥虎等十八頭目號十八營四出剽劫公分遣諸軍大破之降其魁李雙良等尋陝西肅清公進駐平涼四路出師遂克金積堡逆首馬化澂伏誅又復河州克西寧白彥虎狂竄出關旋擒馬文祿等九逆遂克肅州關內肅清授東閣大學士光緒元年督辦新疆軍務四年回疆底定晉二等侯入關以陝甘回變古籍銷亡影刊鮑刻六經以資士子誦習行經華陰以西岳廟貌摧殘集貲重新焉節錄續通志稿

金忠介公祠在東關柿園巷光緒二十七年爲前伊犁將軍金順建

由地方官歲時致祭

金順滿洲鑲藍旗人同治二年從荊州將軍多隆阿剿陝回逆勇往冠軍勳勞卓著十三

年陝甘總督譚鍾麟曾請附祀多忠勇公祠至是始有專祠見清史列傳

蕭公祠一云昭忠祠在東郭十里鋪同治間爲總兵蕭得揚建由地

方官歲時致祭

得揚湖南人同治五年冬十二月擒匪張總愚由藍田趨西安官軍敗績於澧灞之間湘果一軍陣

亡總兵蕭得揚以下三千人見辛卯侍行記及游秦存稿注

龍王廟舊在東郭外明洪熙間秦府建修有石窖製作精堅每歲藏

冰於此同治八年拓築郭城窖仍舊址而以廟劃歸郭內景龍池

之外

採訪冊

景龍池唐興慶殿東之龍池也池南五龍壇龍堂又西

南曰勤政務本樓花萼相輝樓故址無可訪矣

辛卯侍行記注

董子祠在縣治東南卽墓下爲祠

見前志

道光九年知縣李肇慶重建

撰碑自書

略云昔者孔子述堯舜禹湯文武之道以詔天下後世其時學校廢道術裂矣自是老莊楊墨之徒紛以其學

相授迄於暴秦洙泗微言或幾乎熄漢初稍崇儒術亦未大備聖教昌明實自董子始其正誼不謀利明道不計功云云上以接堯舜禹湯文武孔子之傳下以開周程張朱宋元明清諸大儒之學派故推爲漢代純儒也

張子橫渠祠在城內左所二坊卽西華門西街建設年月無考

杜子祠在城南韋曲明時創建

詳前志

康熙四十一年長白達理善重

修同治七年布政使林壽圖續修光緒十三年巡撫葉伯英布政

使李用清督糧道曾鈺捐俸重修

碑記

祠有唐杜文貞公遺像碑光

緒二十七年甘軍駐祠毀焉

採訪冊

是年八月邵陽曾廉重摹勒石

今存

祠旁牡丹最多曲欄小閣俯視樊川夏月荷芰尤盛信城南第一名勝也

縣城隍廟在東關卽知縣滿公朝薦生祠後遂祀滿公爲城隍嘉慶

六年知縣畢公所密重修邑人又以畢公附祀之

前志

光緒二十年

邑令長山焦雲龍籌貲重修

楊武莊公家祠在三爻村

採訪冊

按楊子江三原人元封便宜都元帥

護國進義武莊公

馬志

葬三爻村西子孫因家焉

見前志

祠壁繪公

像戎裝高五尺甚工

採訪冊

赫舍哩氏家廟在縣治前路南爲清初勳舊赫舍哩崇勒家祠康熙

年間其孫荊州將軍霍倫布來陝駐防建祠於此霍倫布卽浙閩

總督福靈阿祖父也光緒二十二年祠廢仍留後樓儲藏御賜品

物

採訪冊

夷齊廟在白鹿原伯夷坊西建始無考

祠近鯨魚溝有泉曰伯夷泉水清多竹境亦幽勝

同

治年重修

採訪冊

附寺觀

臥龍寺在城內六海坊

詳前志

有宋咸通乾符陀羅經幢二

府志

同治五

年火藥局災殿宇廊廡多震毀七年邑人賀公信主僧眞教募資

重修光緒二十七年兩宮西狩特派內務府大臣繼祿拈香頒內

帑銀一千兩建石坊焉

碑記

時西藏蒙古屢貢佛像至行在詔賚寺

設龕以祀

長安宮詞注

寺供籐佛像三尊殿側有前明正統十年英宗

勅頒藏經碑

碑石現紋如花朵故又謂之開花碑

藏經宋槧本今存按北京聖安寺

有佛像皆籐胎見日下舊聞此雖不知所自然可信其爲明造矣

開佛寺在城內正紅旗汛地爲縣轄境雍正中敕建前志以隸旗不

載

採訪冊

興善寺

詳前志

康熙二十四年憨休和尚重修山門及大佛殿郿縣李

柏雪木撰碑記乾隆五十年又重修轉輪藏經殿陝西按察使王

昶撰記潼關同知申兆定書

周禮外史掌四方之志三皇五帝之書而孔子因百二十國寶書以成春秋

蓋書之薈萃藏弄上古已然自六經之後散爲諸子百家經劉向父子校定而藝文志因之著錄凡一萬三千二百六十餘卷隋書經籍所錄又幾倍之至於唐宋作者著述益繁今統計之存者不逮百分之一豈其餘皆不足存歟抑作者難傳者不易歟考漢以來開獻書之路置寫書之官建藏書之庫又遣求書之使分校書之職其儲之也外有太史博士內有延閣秘室蘭台東觀及仁壽閣文德殿華林園觀文殿諸處搜之不爲不力聚之不爲不專至士大夫之藏書者自張華杜兼韋述以下草章可考幾五六十家而古書之傳往往逾時而失之究其故蓋未嘗旁搜博取合經史子集四部萃爲一書故遺佚如是其易也若釋氏不然大小乘經律論爲數至四千六百六十卷其徒或歷數萬里挾以入震旦或閱數十寒暑而往求焉比其得愛護如頭目腦髓橐而藏之著其時代標以譯人名姓又以支那譯述隨時增入其徒既自書寫剖剗復丐宰官長者居士助之且聳動世主爲之鏤刻分貯於名山古寺故兩漢魏晉五代暨唐譯出之經無有遺佚者視吾儒之書寢傳寢失豈可同日語哉夫吾儒經術文章之士多出於中原非若印度身毒之西南絕徼之外必梯山航海冒危險歷流沙積石而後可得之也篆隸之後繼以楷書因文考義智愚共曉非若

西天梵字必法師重譯執筆潤文而後可讀也而遺佚若彼全備若此是吾儒之好古較諸釋氏之寶護弗如遠甚明矣西安大興善寺初自晉初盛於隋唐間仿西竺之制建轉輪藏經殿有明萬歷間勅賜藏經本朝雍正十三年新藏成又以賜之年久殿圯輪亦敗壞經有被風雨塵沙所損者中丞畢公屬同知徐君大文新之以乾隆甲辰冬日落成經言於一切經能書寫受持功德無量况取大藏而覆庇之俾其永無失墜世有義學沙門庸以窺見佛乘之全功德不尤偉歟雖然身為聖人之徒而於其經典也篤信之固執之乃不如緇衣白足世之見斯文者必將皇然而愧蹶然而興為久遠寶護之計庶四部之書嗣後無或有缺佚不全之感乎余之為記蓋非獨為釋氏導揚已也

像設甚古殿前左右壁畫大士變相羅刹降

魔像二軀尤奇殿後畫淨土蓮池化生亦工萬歷中高君仕筆

秦蜀

驛程後記今大半荒殘摧毀尤烈寺有明人泥金寫經又宋刻藏經舊

本凡華嚴三種

一蘇體大字一歐體小字一顏體中字

尚存

秦游日錄

慈恩寺

詳前志

塔下西龕置褚河南聖教序啓聖記二碑完好

秦蜀驛程後記

石如墨玉筆勢遒勁

秦游日錄

龕中有明唐龍題名書仿平原寺西卽

杏園今廢

秦蜀驛程後記

塔四門以石為桄遍鐫宋元明人題名求唐人

題無一存宋人中如雷簡夫王詵趙抃范純仁張舜民皮公弼章

棗吳中復字體隸楷行草並皆精妙

秦游日錄

光緒十五年巡撫葉伯

英重修寺內鄉舉題名碑林立自明以後相沿不廢

採訪冊

按杏園

玉海

曲江池西

會要

與寺南北相直

遊城南記

以方位言今城南

草堂殆即與之鄰並矣附此俟考

草堂宋氏家祠在瓦窰胡同村去寺里許光緒三十四年

建小有園林廊廡池亭略資游憩春時牡丹較盛長安士庶每遊雁塔必聯轡過訪焉

薦福寺

詳前志

宋政和六年重修有碑李璿撰文

長安城西南三里餘有寺曰大薦福自高

宗時立為獻福寺至天授元年始改為薦福並御書飛白額中宗大加營飾以神龍年後翻譯佛經并于此院按西京記西北隅有薦福浮圖院實景龍宮人率錢造立浮圖凡一十五級高三百尺為祈福之地自景龍至我朝政和丙申三百九十二年風雨摧剝簷角墜毀有山谷迂叟出往遊偶見是事喟然傷乎歲月浸久將就傾圯使夫妙緣聖迹寥寥數百年來未有修崇之者眾但咨嗟莫能辦集蓋此鬼然寶塔實為諸佛無量劫來薰修妙行誓願所成西班牙舍利悉貯其中普照一切衆生作大高廣福田故我善於修完踴躍成就願此殊勝淨行利樂無窮普沐妙因豈不偉哉於是負糧集費自竭其勞雖一毫不假於人以是年二月壬午興

工越四月戊寅告成泊以徘徊副屋墜磚所擊上漏下濕損徹尤甚今悉完修遂煥然一新由是觀者如堵湊沓瞻仰衆復歸向普發善緣始山谷子廬于臨涇白龍菴中方宴坐間塔然隱几而寐現一寶塔白光亘天躊躇之間有人云此乃般若寶塔也子欲遊乎夢中謂曰寶塔光充塞殆不能前又若有云但隨吾於光明中從來升降洞澈無礙遽然而覺所夢寶塔尤在目前移時方散後二年獲修此塔以白堊飾之素光耀目銀色貫空正如夢中所見之像略無少異何報應若是耶願力冥契成就斯緣喜揭慶讚聊記梗概云浮圖十五級上二級已頽下十三級猶完整塔基形方頗狹

無階梯南北塔門石枕有蔓草花紋與天人供養像爲唐刻今刊

泐過半矣長安史蹟考光緒二十八年行在命巡撫廣設煖廠寺齋舍

較多饑民就撫倍於他廠長安宮詞注有金明昌鐘府志今存晨夕杵之

聲聞數十里雁塔晨鐘遂爲長安八景之一秦游日錄惜鐘爲某軍駐

寺毀裂塔下自明以後武科鄉舉題名碑亦夥採訪冊

旃壇林在通化坊東羊市街順治時建康熙雍正中相繼重修前志今

廢改學校採訪冊

興教寺詳前志寺倚北岡南對玉案峯遊城南記舊有玉峯軒宋元豐四年

知永興軍呂大防建府志今亡唐玄奘塔銘窺基塔銘俱在禮玄奘

塔者往往得舍利焉訪冊惟西明塔銘石佚後於八仙菴見之已碎

為三段復摹刻嵌塔上以原石陳列慈恩寺客堂中見碑跋按李雪木

山莊在鴻固原宋商邱為雪木購置水田三十畝以養之即在寺之鄰近

華嚴寺詳前志寺之北原下瞰終南霧巖玉案圭峯紫閣粲在目前遊城

南記乾隆間原崩寺毀僅存大小兩塔小塔旁有元至正年重修唐

清涼國師妙覺塔記塔上第一層有嚴主二字第三層有无垢淨

光寶塔六字碑記塔下有杜順像趙涵遊記今不存又云寺有五塔今止

二同上

興慶寺在縣南白道谷加午台距城七十里唐開元年建明萬歷十

一年增修石梯並鐵絙二百餘丈康熙同治間相繼屢修邑人楊

國楨有募化啓

略曰終南綿亘萬里支分幹別隨處得名有曰太乙曰太白曰太華其原皆一終南也支山之次又

復有支山焉距省東七十里岫巒疊起奇峭突峻高數百仞名曰加午台磴疑天上峯訝飛來秀壁奇崖人咸稱為小華山云山頂建古興慶寺同治初年回賊迭擾終南附近居民移加午台避兵者保全至數萬人蓋不惟省會之鍾靈亦實閭閻之屏障也

牛頭寺

詳前志

前對神禾原俯瞰華原川南山擁翠近接咫尺院中老

槐如龍云是唐植古柏紫荊亦數百年物

秦遊日錄

有宋乾符陀羅尼

幢一

府志

光緒間東霞禪師增修山門佛殿左右廊廡寺有潭水味

甘冽取之不竭光緒二十六年汲取以供行在之用

採訪冊

殿前四

季柏四時皆花

府志

今存

禪經寺在小江村南神禾原北厓楊嗣復迎養其父於此

見楊氏族譜

宋

仁宗時族人捨爲佛寺

眞常寺在城東南老凹莊距城五十里明萬歷四十三年建光緒十

三年黃時中重修寺旁柏柳交陰清泉環繞頗饒幽勝

俱採訪冊

普濟菴在壩珥村南明時建順治八年重修同治初燬於火今惟

一塔存採訪冊按壩珥元世祖封其子忙阿剌爲安西王築城曰

壩珥即今社也見辛卯待行記

宏濟禪林在光泰門村前志作洪濟寺明隆慶二年僧宏貞號大濟雲遊棲止其時僅有孤魂堂一座宏貞募化

四方漸積推廣置廟產地數十畝建廟宇十餘間並植花木地極幽靚宣統初廟產爲住持景明蕩盡遂改學校

普光上院即普光寺詳前志在城南六十里土門峪口明嘉靖二十九

年重修王維禎撰記今名天池寺採訪冊

章敬寺在韓森社唐元和初建乾隆二十五年重修同治回亂寺毀

光緒二十五年又重修邵陽教諭邵傳有碑記先是唐憲宗詔僧懷惲建造伽藍勝

所勅題曰章敬寺規模壯麗歲久彫落乾隆時鄉人迎印可禪師於雁寺始營建鐘鼓二樓山門三間改名萬壽寺至是遂又重修

石佛寺即唐青龍寺在祭台村前志唐大歷初有惠果和尚卓錫於此

是爲密宗道場建中時新羅國僧慧日來學貞元十九年日本僧

空海奉勅求授諸經其後回國遂爲密教之祖所謂弘法大師也
石佛數尊背有西魏大統甲子造像記今尙存寺門石額題古石

佛寺四字日僧和田辨及加地哲定均於寺壁有題詞

長安古剎提要

圓通寺

詳前志

元至正十一年建有碑記廉訪使幹勒海壽撰宣統三

年軍興縣境寺觀多毀此寺亦與焉惟碑獨存碑陰有佛像百將
取作修渠之用邑人宋聯奎惜其爲數百年古物乃移之高樓村

北極宮

其文曰嘗謂吾儒與釋氏如陰陽晝夜每每相反然日爲

陽而明於晝月爲陰而明於夜實並行而不相悖焉圓通
佛氏均謂之釋特陰陽之不相同耳故其法曰末法禪曰左禪其
化人示驗如日月之光不可偏廢人亦不得而過之非徒不遏又
從而崇信之有由然矣奉元路東郊之北有何祿氏者世居斯地
往來江湖間衣粗食淡遇窮困顛連濟施不吝人皆稱號溥惠長
者一日在金山從法義禪師授華嚴義奉菩薩戒益久益嚴掌手
鈔楞嚴法華華嚴普門品經凡數百卷朝夕稱念佛菩薩號每千
百數歸莊率衆供僧每以千數又作龍華之因習天台賢首二教
退則跪誦繙大藏經身不曠禮口不絕聲祁寒暑雨如是不怠至
正二年壬午日食之夜忽見東南隅祥光五色如雲聚集不散人
皆異之次日再觀光亦如是乃率善衆掘得石菩薩一尊容體衣